

GUERZEN NEHUÉ




SANTÉS TRIFINE




1

Andantino.




Dirac limage santés Trifine, Ha sant Tréme ar hi mab câret,




Stouyet amen ar hou touhlin, Perhinderion, guet gred cânet :

DESCAN :

Moderato ma non troppo.



Santés Tri-fine, é lein en Né, Hui e gare hoah er Vretoned :



Pédet eid omb en Eutru Doué : Dobér hun nés : eid omb pédet.

2

Beah aveid omb, santés Trifine,
Ur vam hag un avocadés ;
Rac bermen, ha de virhuiquin,
Ni hou quemér eid patromés.

3. Ha pihue e choégehemb ni guél ?
El d'omb, Trifine, é hués bihuet
Ér hornad-men a Vréh-Izel,
Dré hou puhé sanctifiet.
4. Santés Anna, Carvés, Quelven,
E zo léhieu a berhinded :
Amen ehué, Doué er goulén,
Perhirderion ne vaquant quet.
5. Déjà paud a dud anquinet,
En dès pédet amen guet fé,
Ha d'er guér é mant retornet,
Ou haloneu carguet a joé.
6. A groaidurig, Trifine e oé
Douç ha sentus doh boéh hé zad,
Goulennet ma sento el-cé
Hou pugalé doh oh dalhmad.
7. En amzér ag er youancquis
E zo dangerus de dremein,
Rac er goal spered, é ped quis,
Guet boquedeu e guh en drein.
8. Raccé mar vennet goarantein
Hou tud youancq doh peb scandal,
Tadeu, mameu deit de bédein
Trifine, ma veint doh t'hi haval.
9. Pe oé youancq, Santés Trifine,
Liés é houlenné guet Doué
Bihuein santel bedic er fin,
Tud youancq, groeit el d'hi ehué.

10. Eid Gomor hé faied cruel
Trifine quen douç avel un oén
De bédein Doué e oé fidel;
El-cé pédet é creis hou poén.
11. Trémeur dehi p'en dé gânnet,
Arlerh en trébilleu brassan,
A vihanniq e zo desquet,
De gârein Doué hag en nissan.
12. El-cé mameu, d'hou pugalé,
Desquet é hès é lein en nean,
Un Tad e sél guet caranté,
En nemb er chervige a vihan.
13. A p'en dehet, doh en derhian,
D'er fétoen men de glah remed,
Laret d'hou croaidurig bihan,
Doujein hoah muioh er péhed.
14. En ur olhein hou teulagad,
D'ou hol a pen d'oh én dangér;
Eid hou c'inean marcé clan mat.
Oh ! goulennet er guir sclœrdér.
15. Ne vern é péh affliction
En hum gavet, queih perhindour,
Mar pédet Trifine a galon,
Guet Doué hui e gavo secour.
16. Ur vam, d'hé hœaidur a pe gri,
N'hel quet refus en tam bara :
Santés Trifine ehué, doh hui,
Ne fehé quet refus nitra.

17. Trébilleu bras, anquin ha poén,
Misér, clinhued e gouéh ar-n-oh :
Trifine é vihuein guet hé dén
En dès bet trébilleu brassoh.
18. Guet en deur ag er fêtaen cé
É queijé liés hé dareu ;
Deit de gueijein ehué hou ré
Doh ré Trifine prest d'hou chéleu.
19. Hui e gavo goudé courage
De zouguein hou croéz ar en doar,
Ha méritein eid hou partage,
Éu nean ur gourónen lemb par.
-

Imprimatur :

Vannes, le 24 janvier 1881

LE GUYADER, *Vic gén.*

NOTA. — Pardon sanctés Trifine e vé groeit bep plai é Sant-luan, en eil sul a vis mai.